

quale poi per questi mari se seperorno una de l'altra. Et in questo navilio è venuto un giovane del capetanio mazor, con lettere al serenissimo re. Et queste 3 nave ogni zorno, con l'ajuto de Dio, possono esser qui. Sono nave grosse, et vengono del tuto carge, quanto più possono portar, et portano d'ogni sorta specie; et la charicha sua serà 1300 in 1400 cantera de specie. De queste nave Alfonso da Burcherche era capetanio mazor, al qual, a l'andata, se li perse una nave de 150 toneli. L'altro capetanio mazor de le altre nave restò in Chochin, perchè questo Alfonso da Burcherche andò a Celin a cargar e fo despazato subito, che là è el principal trato de specie, e li sono costate miglior merchato de quelle costeno quelle de Cuchin. Et secondo scriveno, le nave sono restate in Cochon, et per el simile erano despazate, et da poi la partita de queste, a X zorni, doveano partir per qui, im perhò el re de Calicut non ha voluto servir la pace, chè li 1500 bachari de pevere, li qual promesse dar per pagamento ne l'accordo de quanto pigliò al fator del re, che amazzorno, a la fine non li ha voluto dar. Li 200 bachari, che

35 haveano ricevuti li portugesì, preso uno fator de questo re, che era andato li per ricever il resto, dicendo voller che i se ge pagino, et fina a la partita de queste 3 nave ancor il dicto fator era preso; *tamen* ne le nave portugesè haveano, et tegnivano preso, un altro de Chalichut, il qual era stà mandato da quel re a li capetanij, per star a presso de l'oro fino tanto che fosseno pagati li 1500 bachari, *de modo*, che se l'capetanio de questo re vorrà el portogese, sarà forzato lassar quel de Chalichut. Le nave che sono restate in Cuchin porterano simelmente altratanto comò queste; et là restano altre tre nave per andar d'armada. Questo è el successo de queste cosse de India, che fin a questo zorno el se ha inteso, Jdio lassì seguir il meglio. Per zenarò proximo se fa provisione de altra armata per el dicto viazo, et serano almancho 25 velle, infra le qual sarano, XV d'esse, de 300, 400, 500 toneli. De queste 25 velle XII ne vano per restar de là tre anni continui, per cursizar tutti quelli mari; et porterano de qui provisione, cussì de calzina, come de qualunque altra cossa necessaria per far tre forteze: zoè una in Cephala, ne la qual meterano 200 homeni a star li de continuo; un'altra in Andigiva, ch'è uno capo, dove che le zermè del soldan vengono sempre a far stanpola, e a questa se redurrà l'armata, *ut plurimum*; la terza in Cuchin, dove li factori del re possono star securi. In queste 25 velle anderano 2500 homeni de li, parte restarà in le forteze, parte in le nave. El serenis-

simo re à dà licentia a' marchadanti de mandar merze et denari; nè altro mi achade per el presente dir a la magnificentia vostra, se non a quella per infinite volte mi ricomando.

Data, Olyssipponi, die XI septembris 1504.

JOHANNES FRANCISCUS AFAITATUS.

A tergo: *Magnifico ac excellentissimo doctori et equiti, domino Petro Pasqualico, oratori veneto apud serenissimos reges Castellæ.*

Zonta dil conseio di X, di danari, in questo anno electa.

Sier Polo Barbo, procurator,
Sier Francesco Barbarigo,
Sier Nicolò Foscarini,
Sier Hironimo Donado, dottor,
Sier Domenego Marin,
Sier Lunardo Grimani,
Sier Alvise Arimondo,
Sier Zacaria Contarini, el cavalier,
Sier Nicolò Dandolo,
Sier Marco Bolani,
Sier Alvise Michiel,
Sier Lucha Zen, procurator,
Sier Marco da Molin,
Sier Andrea Gritti,
Sier Polo Pixani, el cavalier.

Nuove dil mexe di novembre 1504.

36

A dì primo, fo il zorno di Ogni Santi. El principe fo a messa in chiesa di San Marco, con li oratori et patricij, justa il solito.

Da poi disnar non fo nulla.

A dì 2, fo il zorno di la comemoration di morti. Et o fu.

A dì 3, domenega. Fu gran conseio. Electo rector e provedador a Cataro, sier Alvixè Zen, el provedador sora la sanità, *quondam* sier Francesco, da sier Sabastian Moro, fo capetanio in Alexandria, *quondam* sier Damian, sier Marco Zantani, fo provedador al sal, sier Lunardo Mozenigo. È da saper, in questo tempo la terra steva benissimo di peste.

In questo zorno, a Verona, con cativissimo tempo fecè la intràta lo episcopo novo, el reverendissimo cardinal Corner. Fu fato per la comunità belle preparation e conzar strade *etc.*; fu acompagnato da molti episcopi; prelati et abati, e prothonotarij, et